

ELEGIA  
Dauidis Echlini,

1070. L. 13

3

R

*Medici Reginae.*

In funere Charissimæ castissimæq;  
coniugis Philibertæ Loubatæ,

*Quæ nata Roanæ ad Ligerim obiit Lon-*  
*dini, anno ætatis suæ 40. Domini 1629.*  
*die 8. IANVARI.*

AD


CAROLVM

Magnæ Britanniae, Franciæ, &  
Hiberniæ Regem.

---

*Nunquid est dolor sicut dolor meus?*

---



Excudebat Londinensis A. M.

1629.

ELEGIA

Davidis Echlini.

In hunc Charissimus collisimus  
conjugis Thibauti Lantini

DA

CAROLVM

Hibernia Regem.

Exempted from the provisions of the Act.

236

Serenissimo Potentissimoq; Principi  
CAROLO,  
Magnaë Britanniaë, Franciaë, & Hiberniaë  
REGI.

**R**ex Inuictissime, Britannice Monarcha, *Elegi isti Tuae*  
*Maiestatis pedibus humillimè sese aduolutare audent, par-*  
*tim ut splendor tui Nominis ter Augustus, qui meus est in*  
*colenda defuncta zelus & ambitio, funebrem hanc pompam du-*  
*cat; partim ut de beneficio nuper accepto gratissimi in T. M. ani-*  
*mi, non solum huic seculo, sed etiam apud posteros testimonium si*  
*fieri potest relinquam qualecunque. Perfecisti tandem ut somnium*  
*illud non iam somnium sed veram Diuinationem fuisse planè con-*  
*stet Matris Musarum, utq; in te reuiuixerit mihi Rex Pater;*  
*& prohibuisti ne iustissimus grauissimq; dolor alterum etiam*  
*pedem in cymbam det breui; Eademq; opera cauisti prouidus, cum*  
*olim posteritas tuam erga alios nationis meae & professionis Re-*  
*giam illam beneficentiam animo versabit suo, ne quis quod fortas-*  
*sis metuendum erat tacitè submurmuret, et cur nihil misello*  
*Echlino? Vnum tibi persuade, oro M. T. verbis quantum pos-*  
*sum humillimis, utcunq; inter omnes meritorum ordine postremas*  
*teneam, gratioris tamen animi quibus potero in sempiternum mo-*  
*nimentis cessurum profecto nemini. Ita tibi Deus inter cetera om-*  
*nia prospera Henricam tuam Mariam cum Regia Progenie in*  
*multos annos sanam saluamq; conseruet. Ac mihi certè hætenus*  
*cum bono illo Patriarcha nunquam te dimittere animus erat, do-*  
*nec tu, quod tam benigna animi alacritate iam prestitisti, cum bo-*  
*no tuo Angelo benediceres.*

Tuæ Maiestati

Deuotissimum addictissimumq;  
mancipium,

DAVID ECHLINVS *mærens lugensq;.*





# TETRASTICHON ad Regem.

*Accipe lugubri lacrimantem in veste libellum,  
Et domini facilis Rex miserere sui.*

*Non ego te mecum lacrimari, O Summe Monarcha,  
Sed volo te lachrimas hic cohibere meas.*



## ELEGIA

Dauidis Echlini.

**E**rgone languebo iuueni tibi chara superstes  
 Heu mea decrepitus iam Philiberta senex?  
 Scilicet hoc nostris deerat modo cladibus unum,  
 Ut tua proh! mortem mors foret ante meam;  
 Et qui debueram prior emigrasse, sepulchro  
 Fleta ego defunctæ coniugis ossa darem.  
 Quid grauius deinceps poterunt mihi fata minari?  
 Non habet in nobis iam noua plaga locum.  
 Post mille ærumnas subiit morbosa senectus,  
 Ipsa & mille nouis concomitata malis:  
 Ac nisi Magnanimi fauisset dextera CARLI,  
 Fortunæ exemplum nobile flerer ego.  
 Occidit heu! actum est, actum est heu! occidit illa,  
 Vnica proh! senij spes columenq; mei;  
 Trans mare per terras quæ me sine fine secuta  
 Fida fuit longæ cura comesq; via.  
 Illa suæ licta patriæ dulcedine, mecum  
 In peregrinum huc est ausa venire solum:  
 Nec Patris heu chari lachrimæq; precesq; parentum  
 Vellere ab amplexu tunc valere meo.  
 Nempe supra sexum fuit illi & mascula virtus,  
 Inq; suum affectus rarus amorq; virum.  
 Lustra suæ nondum ætatis compleuerat octo,  
 Et iuuenem passu mors properante rapit.  
 Heu! procul a patria peregrinis conditum in oris  
 Fæmineum sepelit terra Britanna decus:  
 Quatuor & suprâ nobis exacta in honesto  
 Lustra toro totidem non nisi visa dies.



*Illa mihi nunquam bilem commouit, et unquam*

*Si mouit, certè perbreuis illa fuit.*

*Consilium in dubijs, consolatrix in egenis,*

*Rebus in angustis anchora sacra mihi.*

*Turbaq; morborum nimis importuna meorum,*

*Peruigiles noctes peruigilesq; dies,*

*Clamores horrendi, vicin sq; molesti*

*Tedia consorti nulla dedere meæ.*

*Immo quò magis mihi cruciatus inualuere,*

*Tantò illa assidua & fida ministra magis.*

*An nata, an coniunx, an mater plus pia lis est :*

*Pulchrior an probior forma pudorq; negant.*

*Altera & illa Venus fuit, altera & illa Diana,*

*Altera mihi nec non illa Minerva fuit.*

*Illa mihi morum, pietatis & illa Magistra :*

*Profuit exemplum si malè, culpa mea est.*

*Numinis ecqua fuit Sancti reuerentior unquam ?*

*Ecqua unquam Summo vota precesq; Deo*

*Pectore plus puro fudit noctesque diesq; ?*

*Dixisses animam in corpore cælicolam.*

*Nunquam illa instrata visa est accumbere mensæ,*

*Seu lactans, vtero seu grauiore gerens,*

*Non si lactaret gestaretue illa gemellos,*

*Ieiuna ad medios ulteriusq; dies,*

*Quin genibus flexis, manibusq; oculisq; leuatis,*

*Supplice secretas diceret ore preces,*

*Clam digressa domus sine testibus in penetrale :*

*Mos erat in tacito soluere vota loco.*

*Immo vera loquor, mihi Gallia & Anglia testis,*

*Vna illi toto mensula sepe die,*

*Vnicus O mirum ! quis credat ? pastus & ille*

*Sobrius; haud solo pane repletur homo.*

(Hinc obiter duo me discant matres monitore,  
 Quæ mea liberior Musa tacere nequit,  
 Et proprios distenta admittere ad vbera factus  
 Hircanisq; dehinc cedere nolle feris,  
 Nec lactis specie grauidiq; a pondere ventris  
 Indulgere suo plus quam opus est genio.)  
 Munditiæ in cultu, lautiq; modestia victus,  
 Et morum integritas non habuere parem.  
 Singula quid memorem? Siculi prius æquoris undas  
 Quis numeret, laudes quam Philiberta tuas.  
 Quò magis hic animo proh! serò tangor & angor  
 Virtuti sortem non cecidisse suam;  
 Quodq; minùs licuit meritis pro talibus uti  
 Fæminei dignè flore & honore chori.  
 Quanquam rara tot & tantis sors dotibus æqua:  
 Debuerat coniunx Principis esse viri.  
 Vnus me cruciat scrupulus, tristemq; ut Orestem  
 Terrificat spectris dira Megæra tetrìs,  
 Quòd primi introitus, longi & primordia morbi  
 Neglecta hic culpa præteriere mea.  
 O scelus! O facinus! Quisnam Æacus aut Rhadamantus  
 Mî satis in pœnas ingeniosus erit?  
 Ipse meis manibus iugulani homicida meum cor:  
 Impie quid dubitas impie Echline mori?  
 An tuus obscuras procul hinc amor ibit ad umbras?  
 Tu sceleris tanti causa superstes eris?  
 Cur ego prodij in hanc lucem matrice reclusa?  
 Cur non natalem mors fuit ante diem?  
 Cur rudis olim massa, informis & embryo cæcis  
 Non perij in claustris letus aborsus ego?  
 Aut cur non haustam expiravi protinus auram,  
 Præueniens vitæ has tunc breuitate cruces?



Cum mihi vesicam secuit Molinus apertum  
 Cur non huic animæ vulnere fecit iter?  
 Cur non visceribus perruptis funditus imum  
 Intrepidus ferrum mersit ad usque iecur?  
 Cur ego ludibrium celorum et sortis iniquæ?  
 Proh dolor! an dolor est ut dolor iste meus?  
 Molinus putridam violauit non nisi carnem:  
 Heu animam gladius transfodit iste meam.  
 Flete meam doctæ ærumnam pia turba Sorores:  
 Mnemosyne hic Natas fac lachrimare tuas.  
 Tuq; adeo mi Aitone meum fle in funere funus:  
 Echlini defle corq; animumq; tui.  
 Tete inter primos meritò numerabat amicos:  
 Te mihi charum habuit, te Philiberta sibi:  
 Et saxa et rupes montesq; & flumina fontes  
 Et siluæ, & viduum compita flete torum:  
 Gaudia sint procul hinc, procul omnis abesto voluptas:  
 Quæ vitam hæc lachrimas finiet hora meas.  
 Quando erit ô tandem cum rupto stamine Parca  
 Vnâ istis vnum ponet utrisque modum?  
 Pœnitet heu lucis, vite me tædet, & illum  
 Qui mihi det requiem feruidus opto diem.  
 Eheu! quid dixi? misero mihi quinque supersunt  
 Pignora, pars maior paruula, tum gemini  
 In cunis, omnes orbi fere utroque parente:  
 Namque ego iam deinceps quid nisi nullus homo?  
 Fata viam inuenere, fauetq; hic dextera CARLI,  
 Et Pater in Nato fert rediitque opem.  
 Nam Pater Æthereus quæ procreat omnia nutrit:  
 Cum Nato promptus nascitur ore cibus.  
 Tum quem tam Sancto mater cultu venerata est  
 Non sinet is sobolem languida obire fame.



Faxit ut O mores referant genitricis, amorq;  
 Et Domini timor huic sint rudimenta gregi.  
 Sed valeat proles, ad matrem Musa recurre :  
 Ante oculos mater itq; reditq; meos,  
 Quam quoties video (video noctuq; dieq;)  
 Irrigua in madidas defluit unda genas.  
 Siqua tamen tantus recipit solatia luctus,  
 Solare hic viduum qua potes arte senem  
 Latior, & pexis pro forma utcunque capillis  
 Mæstos paulisper rumpe Elegia modos.  
 Non satis est nostra hic priuatim incommoda flere :  
 Alterius præfert commoda verus amor.  
 Gratulor uxori quòd mors licet hei mihi ! acerba  
 Non passa est miseri funera flere viri,  
 Oscula non dederit lacbrimantia, non mihi ocellos  
 Clauserit, hoc corpus non cumularit humo,  
 Funebre non carmen, non fæmineos ululatus,  
 Non planctus, mæstos audieritue sonos.  
 Singula nam vix hæc spectacula sana tulisset  
 Impatiens sexus impatientis amor.  
 Quaq; erat illa in me pietate affecta, dedisset  
 Viua meis mecum membra cremanda rogis.  
 Quanquam me illa mori tum vidit frigida, cum spes  
 Nulla mihi vitæ, nulla salutis erat.  
 Mox ego tam placidum grator super omnia finem,  
 Morte quidem vitæ conueniente suæ.  
 Ac quæ tam rectè totum transegerat ævum,  
 Conformi potuit non nisi morte mori.  
 Non illi distorti oculi, convulsaue labra,  
 Et decor ille oris qui fuit ante manet.  
 Anxia non hosti iactabat membra reluctans ;  
 Lata dedit victas illa libensq; manus

Cæligenam expirans animam. Deus almus utrumque  
 Et vitam & mortem det mihi queso parem.  
 Sed leuia ista ; illud mirandum et Numine plenum,  
 Ac Genij afflatu iam propiore boni.  
 Nox erat, increscit morbus, viresq; fatiscunt,  
 Nec dormire illi nec vigilare licet,  
 Mente parum constat, sermo & responsa aliena,  
 Nulla quies, vlllo plus mora nulla loco,  
 Vox titubat, fiunt planè omnia deteriora,  
 Desperata salus, mors premit ante fores,  
 Cum subito redit ad sese, mirabile dictu,  
 Pristina mens, & vox pristina, sermo prior.  
 Vade, accerse meum, mora nulla, ancilla maritum;  
 Nox, ait, hæc finem curre recurre dabit ;  
 Vix locus, en abeo, vocat hora, & tempus inani  
 Dicere nunc mundo, dixit ut ille, vale.  
 Non ego dehinc somnos longiq; molestia morbi  
 Eripiet vobis eripietue mihi.  
 Qui moneat diuina iubetur adesse vocatus  
 Et fieri pro anima sacra suprema sua,  
 Illa quibus deuoto assistit pectore & ore  
 Peccata enumerans his veniamq; petens.  
 Hoc ego iam ex animo non gratuler? ut magis illud  
 Libera quod cunctis sollicitudinibus  
 Vitam agitat meliore sui super æthera parte  
 Fælix, & Summo non procul inde Deo ;  
 Donec corporeas faeces purgauerit ignis  
 Vltimus, & tota hinc scandet ad astra simul.  
 Adde quod & partus vixdum semestris in auras  
 Enatus paucis ante diebus erat,  
 Quum prius ex qua aegrotò affixa puerpera lecto,  
 Impleisset vicibus cornua luna tribus :



Attamen O mirum ! permissu Numinis ipse  
 Lustrali ante obitum rite lauatus aqua est.  
 Nunquid & hoc etiam bene gratuler ? illicet infans  
 Precursor matri laue parauit iter.  
 Paruule Maurici mater Philiberta beati :  
 Vixistis simul hic, viuite & usque simul.  
 Vos ambo simul hic & in Aede jaceris eadem :  
 Et supra vobis una eademq; domus.  
 Gratulor uxori, mihi gaudeo quod simul ambo  
 Olim erimus Solymæ ciuis vterque Sacra.  
 Quod precor ut cito, sed gemini sine matre reclamant,  
 Nec licet iniussu castra mouere Ducis.  
 Iamq; nimis gauisum. Elegia hic sparge capillos,  
 Mæstaq; lugubrem denuo sume togam.  
 Non bene conueniunt vnquam simul ignis & vnda,  
 Gaudia corrumpit summa leuisq; dolor.  
 Ergo mi in amplexus ter chara pudicaq; coniunx  
 Proh dolor ! huc nulla post reditura die est ?  
 O utinam semel hic pauca in momenta liceret,  
 Eius conspectu colloquioq; frui ;  
 Ut saltem facie ad faciem delicta fateri  
 Et veniam tristi voce rogare queam.  
 Sed reditus clausus : Peccaui in tēq; & Olympum ;  
 ô Philiberta rei tu miserere viri :  
 Pæna mi erunt fletus, luctus, planctus, lachrymaq;  
 Et vidui solo hinc turturis ore gemam.  
 Tum crebra absenti libabo tibi oscula castus :  
 Te veniente die te fugiente colam.  
 Quaque patet campis Mauortia Gallia amænis,  
 Quà Rhodanus rapidas in mare voluit aquas,  
 Ad Ligeris caput hac relegentur & arua Roanæ,  
 Notum erit & toto nomen in orbe tuum.

Est aliquid conuixæ vel pauperis esse poeta :  
 Cetera depereunt, gloria sola manet.  
 Ac quæ tam facilis mihi indulſit carmina ſemper  
 Noluit exequijs Muſa deeſſe tuis.  
 Hei mihi ut ærumnæ quod non mihi & lactea vena eſt  
 Illius in Getica qui jacet exul humo.  
 Laudis vecta alis clara inter Lumina Mundi  
 Deſpiceres terras Sidus ab axe novum :  
 Et ſeges antiquum tu inſcripta Herois in album  
 Venturis ſerò vatibus ampla fores  
 Echlini Philiberta, tui Primaria ſexus,  
 Fida tuo quondam Penelopæa viro.  
 Interea gande tibi quod, quæ gloria ſumma,  
 CAROLVS inferijs præfuit ipſe tuis :  
 Tu mea, noſtrarum niſi forte obliuio rerum eſt,  
 Scis bene quos habeat bibliotheca libros :  
 Quæq; inter rixas puerorum ſcripta profundo  
 Excusent Manes qualiacunque p̃ij.  
 Quà tamen hîc potero, mea ſi modo carmina viuent,  
 Carminibus viues tu Philiberta meis.

FINIS.

---